

POTENZA - TARDE = 2 A 2.....E CE' VVUE' CCHIU' D'A VITE?... 'NU LUCANE!.

L'ha mann't Aldo "Diecipalazzine"

domenica 04 novembre 2007

Ultimo aggiornamento domenica 18 novembre 2007

Uagnù! E ce vulite da me ci ‘u Tàrde Nuèstre ha sciucàte tre vvote ind’a ‘na sumàne? N’otra vòte aqqà stòche! Osce amme sciùte a sciucà in Lucànie, a Poténze…eheheh! Piccè stoch’ a rride? Ca quànne scève a scòle me penzàve ca ‘u fattòre de poténze eve ‘nu contadine d’a Basilicàte…Vabbè va! Osce le tefùse du Tarde nonge honne sciùte in trasfèrte piccè p’u Prefète de Poténze nuije tarandine sime cristiàne pericolose. Secondo me osce ca jè duméneche ‘u Prefète no vvulève fastidie. Accussì jè! Bella partite! ’U Poténze no jève ‘u Real Madrid, ma dritte e stuèrte amme fàtte ‘na bella partite e MANCINI ha fàtte ‘na grànna gàre e ha segnate doje gol, CUTOLO ha stàte bbràve, ma quidde cacafàve de ZITO s’ha mangiàte n’otre gol fàtte e p’u digerije s’ha bevùte ‘n ‘amàre lucàne viste ca stàve addà. Bella partite di COLOMBINI (‘u terzine sinistre),CEJAS e DE LIGUORI honne stàte scangiàte cu CAVALLO e DE FALCO, CUTOLO cu ZACCANTI e ‘nu sciucatòre du Poténze ha stàte espulse direttamende d’a panchine. O novandèsime però, quànne stè vingèmmè doje a ùne quidde carnevèle di MIGLIACCIO ha fàtte ‘nu falle ‘nnand’a porta nòstre e accussì àmme pigghiàte ‘u gol d’u doje a doje e honne salàte le peperùsse. E ce vulèmmè cchiù d’a vite? ‘Nu lucàne?… ‘Nu lucaneeeeeee? Secondo me eve megghie ‘nu càne ‘mbece du lucàne…. pe quidde cecàte de purtière ca n’acchiàme.